


**STELLENBERG BYBELSKOOL**  
**DIE KLEIN PROFETE**



**SESSIE 3**

**HOSEA**



## SESSIE 3 – DIE KLEIN PROFETE

### HOSEA



Hosea, wat 'n tydgenoot van Amos was, het in die tydperk van 750-725 vC in die Noordelike ryk (Israel) opgetree. Sy boodskap skets die omstandighede in Israel net voor die Assiriërs in 722 vC die koninkryk vernietig het. Sy boodskap was veral op Israel se politieke leiers en priesters gefokus. Terwyl Amos se profesie was waarskynlik tydens 'n godsdienste fees by die staatstempel in Bet-El gespreek is, dek Hosea se profesie 'n periode van 25 jaar.

Hosea se boodskap geskied teen dieselfde agtergrond as Amos (sien sessie 2) waarin die volgende uitgelig word:

- Die **politieke en ekonomiese voorspoed** van koning Jerobeam II.
- **Korrupsie, luukse en onverantwoordelike leefwyse** van mense gedurende Jerobeam II se heerskappy bring die volk tot op 'n val (spirituele en morele bankrotskap).
- **Die volk se betekenislose godsdienste.** Die tempel is gereeld besoek waartydens verpligte offers gebring is (Hosea 5:6, 6:6) en godsdienstige fees is gereeld gehou (Hosea 10:1). Hosea se profesie maak die punt dat God se karakter en aard nie rym met hulle godsdienstige praktyke nie. Hulle word in die profesie uitgenooi en aangemoedig om opnuut weer God se karakter te ontdek.


Wanneer ons die Klein Profete lees moet 'n mens gedurig drie gehore in gedagte hou:

1. Die mense wat in 750-725 vC geleef het en self se profetiese uitsprake oor 'n periode van 25 jaar gehoor het.
2. Die mense wat na 725 vC die geskrewe boodskap gelees het en ook enkele toevoegings gemaak het (lees die naskrif in Hosea 14:10 wat waarskynlik na 586 vC dateer – sien ook invoegings in Hosea 1:7, 4:15, 5:5 en 6:11)
3. Ons wat in die jaar 2021 na hierdie boodskap luister.

Hosea beleef die omstandighede van die laaste paar droewige jare van Israel beleef waarin dinge vinnig agteruitgaan (Hosea 9:10-14:9). Drie internasionale gebeurtenis wat in die teks beskryf word is van belang.


### 1. Die mag van die Neo-Assiriese ryk onder koning Tiglat-Pileser III.

- Lees 2 Konings 15:17-22. Koning Manahem van Israel moet swaar belasting aan die koning van Assirië betaal.




### 2. Die Siro Efraimitiese oorlog 734 v.C.

- Lees 2 Konings 16:1-9. Koning Tiglat-Pileser help vir Agas (koning van Juda) toe die koning van Israel en Damaskus hom wou probeer dwing om saam met hulle in 'n vennootskap die Assiriërs aan te val. Lees ook oor hierdie omstandighede in Jesaja 7.



### 3. Die Assiriese ballingskap en einde van Israel se koninkryk.

- Lees 2 Konings 17:1-6. Koning Hosea was vasal van Assirië en soek Egiptiese hulp om konings Salmenassar V (opvolger van Tiglat -Peleser III) van Assirië aan te val.



## Koning Tiglat-Peleser (Pul).

Tiglath-Pileser III (cuneiform: TUKUL.TI.A.É.ŠĀR.RA; Akkadian: *Tukulti-apil- Ešarra*, meaning "my trust is in the son of the Ešarra"; Hebrew: *תִּגְלַת פִּלְעֶסֶר* *Tiglat Pil'esar*) was a prominent king of Assyria in the eighth century BCE (ruled 745–727 BCE) who introduced advanced civil, military, and political systems into the Neo-Assyrian Empire.

He made sweeping changes to the Assyrian government, considerably improving its efficiency and security. He created Assyria's first professional standing army.

Tiglath-Pileser III subjugated much of the Near East region; to the south, his fellow Mesopotamians in Babylonia and Chaldea, and further south still, the Arabs, Magan, Meluhha, and Dilmunites of the Arabian Peninsula. In the south west, Israel, Judah, Philistia, Samarra, Moab, Edom, the Suteans and Nabatea fell. To the north, Urartu, Armenia and Scythia in the Caucasus Mountains, Cimmeria by the Black Sea, and Nairi were subjugated, and in the north west much of eastern and south western Asia Minor, including the Hittites, Phrygia, Cilicia, Commagene, Tabal, Corduene and Caria. In the west, the Greeks of Cyprus and Aram (modern Syria), and the Mediterranean city-states of Phoenicia/Canaan were subjugated.

To the east he subjugated Persia, Media, Gutium, Mannea, Cissia and Elam. Later in his reign he was crowned king in Babylonia. Tiglath-Pileser III discouraged revolts against Assyrian rule with the use of deportations of thousands of people all over the empire. He is one of the most successful military commanders in world history, conquering most of the world known to the Assyrians before his death (Wikipedia).



## **Ons kyk na die video inset en raamwerk van die Bybel boek Hosea**

Hosea was 'n passievolle en sageaarde profeet. Hy word aan die een kant deur God se liefde en genade en aan die ander kant deur 'n diepgewortelde omgee vir Israel oorweldig. Weens sy persoonlike omstandighede het hy begrip vir Israel se skuld, seerkry en teleurstelling. Hy het ook 'n goeie kennis gehad van die politieke en ekonomiese omstandighede wat druk geplaas het om die mense se leefomstandighede rondom 750-725 vC. Sy boodskap is eenvoudig en radikaal

### **SLEUTEL TEKS. Hosea 14:4. “By U alleen is daar liefde vir 'n weeskind”.**

Kom ons kyk kortliks na die uitleg van die boek en opbou van sy boodskap:

#### **1. Hosea 1-3**

- Hosea se vrou, Gomer, wat aan hom ontrou was dien as sterk metafoor van God se liefde en vergifnis.
- Hoe sou 'n mens Gomer se ontrouheid hanteer? 'n Mens se eerste reaksie sou wees om Gomer hiervoor te veroordeel en haar weg te stuur.
- God vra egter vir Hosea om die teenoorgestelde te doen. Hy moet uit sy pad uit gaan om haar terug te neem en te vergewe.
- Gomer, dien dan as kragtige metafoor hoe die Here beplan om teenoor Israel se ontrouheid te reageer.
- God se vergifnis is nie soetsappig nie. Die volk sal die gevolge van hulle dade moet leer dra, maar in die seer en swaarkry sal God se liefde, sorg en trou opnuut beleef word.

#### **2. Hosea 4-11 asook 12-14**

- Hierdie gedeeltes haak op 'n besondere manier aan hoofstukke 1-3.
- Hosea 4-11 is 'n verdere uitbreiding op die oorsake en gevolge van Israel se ontrouheid waarin daar spesifiek klem gelê word op die volgende:
  - Israel se toegewyde godsdiens wat leeg en betekenisloos is. Die rituele, toewyding en diens reflekteer niks van God se aard en karakter nie.

- Die soeke na voorspoed en fertiliteit.
- Pogings om krisse te bowe te kom deur politieke onderhandelinge met Assirië en Egipte. Pogings om deur middel van 'n militêre ingryping omstandighede om te keer.
- In kort kom dit daarop neer dat hulle die fout maak om hulle godsdiens los te maak van die uitdagings en probleme wat hulle in die gesig staar. In die tempel gaan hulle ongehinderd voort asof niks fout is nie.
- Hosea 12-14 is 'n oproep tot die verlede. Die volk was al in die verlede in hierdie situasie en kon deur God se genade behoue bly.
  - Die storie van Jakob se bedrieëry word opgeroep.
  - Die storie van die volk se ongehoorsaamheid nadat hulle uit Egipte verlos was word opgeroep.
  - Die storie oor die eerste konings se ontrou en verkeerde keuses word opgeroep.

### **3. Hosea 11 & 14**

- **Lees Hosea 11. God kan ten spyte van Israel se vermoë om hulle omstandighede om te draai hulle nie aan hulleself oorlaat nie.**
- **Lees Hosea 14 en dan die naskrif in vers 10.**

**“Wie wysheid het, sal op hierdie woorde ag slaan. Wie verstandig is, sal dit ter harte neem, want wat die Here doen, is reg. Die regverdiges lewe daarvolgens, en die opstandiges kom daardeur tot 'n val”**